



UNIVERSITÄTS-
BIBLIOTHEK
PADERBORN

Vitæ D. N. Iesv Christi Monotessaron Evangelicum

Heser, Georg

Monachii, 1657

264. De Iuda venditore Christi nefario.

Nutzungsbedingungen

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

D. N. IESU CHRISTI. 245

tur, ut crucifigatur. *Matth. 26. v. 1. Et 26
Marc. 14. v. 1.*

II. Tunc congregati sunt principes sacerdotum, & Scribæ, & seniores populi, in atrium principis sacerdotum, qui dicebatur Gaiphas: & consilium fecerunt, ut IESUM dolo tenerent, & occiderent. *Matth. 26. v. 3. Et 4. Marc. 14. v. 1. Luc. 22. v. 1.*

III. Dicebant autem: Non in die festo, ne fortè tumultus fieret in populo. *Matth. 26. v. 5. Marc. 14. v. 2.* Timebant enim plebem. *Luc. 22. v. 2.*

MEDITATIO CCLXIV.

De Iuda venditore Christi
Iudas Iscarioth.

I. Intravit autem Satanas in Iudam, qui cognominabatur Iscariotes, unum de duodecim. *Luc. 22. v. 3.* Et Iudas Iscariotes, unus de duodecim, abiit ad summos sacerdotes, ut proderet eum illis. *Marc. 14. v. 10. Matth. 26. v. 14.*

II. Et locutus est cum principibus sacerdotum, & magistratibus, quemadmodum illum traderet eis. *Luc. 22. v. 4.* Qui audientes gavisi sunt: & promiserunt ei pecuniam se daturus. *Marc. 14. v. 11.* Et pacti

L 3 sunt

sunt pecuniam illi dare. *Luc. 22. v. 5.* Et ait illis: Quid vultis mihi dare, & ego vobiscum tradam? At illi constituerunt ei triginta argenteos. *Matth. 26. v. 15.*

III. Iudas spondit, & exinde quærebat opportunitatem, ut traderet illum sine turbis. *Luc. 22. v. 6., Matth. 26. v. 16., Marc. 14. v. 11.*

MEDITATIO CCLXV.

Cena Paschalis Christo à duobus discipulis paratur.

I. **V**ENIT dies Azymorum, in qua necessitas erat occidi Pascha. *Luc. 22. v. 7.* Prima autem die Azymorum, quando Pascha immolabant, accesserunt discipuli ad IESUM, dicentes: Quò vis eamus, & paremus tibi, ut manduces Pascha? *Matth. 26. v. 17., Marc. 14. v. 12.*

II. IESUS mittit duos ex discipulis suis, Petrum & Ioannem, dicens: Euntes parate nobis Pascha, ut manducemus. At illi dixerunt: Vbi vis paremus? & dixit ad eos: Ite in civitatem, & ecce introeuntibus vobis in civitatem, occurret vobis homo quidam amphoram aquæ portans: sequimini eum in domum, in quam intrat, & quocumque introierit, dicitis patrifamilias domûs: Dicit tibi